

## DAN ZA SJECANJE

Kada je prvi put objavljeno da ce se odigrati revijalna utakmica Drina '93 –Mladost Divic i da ce u Divicu nastupiti Muratovic, Salihovic, Pjanic i ostali, mnogi su tu informaciju docekali sa velikom sumnjom. Medjutim, osim njih, na Divic su juce dosli i jedan od trenutno najpopularnijih svjetskih fudbalera Edin Dzeko, pa Elvir Rahimic, Said Husejnovic, pjevaci Enes Begovic i Asim Bajric. Iako je kiša cijeli dan neumorno padala, nevrjeme nije sprijecilo ni publiku (oko 5 hiljada ljudi), ni naše reprezentativce, da dodju u povratnicko mjesto koje proteklih godina bilo simbol bosnjackog otpora i ostanka na Drini. Edin Dzeko, cije noge vrijede oko 30 miliona eura je igrao cijeli mec, po poluvrijeme za obje ekipe, postigao 2 gola i neumorno se, ne glumeci zvijezdu pozdravljao i slikao sa publikom,obicnim svijetom iz kojeg i potice. Ni drugi nisu zaostajali, donijeli su i donirali vrijednu opremu FK Mladost Divic, dijelili autograme i sa osmijehom i zadovoljstvom igrali u teškim vremenskim uslovima po natopljenom terenu. Bili su svjesni da nigdje na svijetu ne postoji publika koja ih više voli, i da trenutno za bosansku državu nema važnijeg mjesta od Divica. Taj zavrtanj koji drži BiH pricvrscenu za Drinu, juce je još više i nepovratno dotegnut da ga niko nikada neće moci razdvojiti. Organizacija je bila više nego dobra, žrtva i trud pojedinaca dostojni divljenja, a oduševljenje svime toliko, da postoji velika bojazan da se više nikada tako nešto neće doživjeti. Ako revijalna utakmica i velicanstven gest bh. fudbalskih zvijezda ne budu incirali naše politicare i sve Podrinjce u zemlji i svijetu da se ugledaju na ovaj primjer i više okrenu prema (cast ostalima) najsvetijem dijelu naše zemlje, spasa nam nema. Momci u plavim dresovima jucer su pokazali da su veliki fudbaleri ali jos veci ljudi. Politicari koji skoro da nisu podržali ovu manifestaciju, tako da su troškovi i organizacija pali na pleca nekoliko ljudi, zaslužuju potpun prezir.

M. Berbic

Pogledajte nekoliko slika sa utakmice koje nam je ustupio Ahmet Bajric Blicko [www.blicko.ba](http://www.blicko.ba)



